


Mahasiswa UMP timba ilmu di China



Guanghouz (China), 31 Mac – Seramai lima mahasiswa Universiti Malaysia Pahang (UMP) berpeluang mengikuti program mobiliti From South To North anjuran Perwakilan Mahasiswa Kolej Kediaman 2 (PEKA 2) dengan kerjasama Fakulti Kejuruteraan Elektrik & Elektronik (FKEE) universiti ini.

Program yang berlangsung selama empat hari ini memberi peluang mereka berkunjung melawat Guilin University of Electronic Technology (GUET) dan beberapa tempat tumpuan sekitarnya. Antara aktiviti yang menjadi tumpuan para peserta program adalah sesi latihan secara praktikal berkenaan Beidou Satellite hasil kerjasama pihak Research Center GUET dan menyertai lawatan sekitar kampus. Lebih menarik, mahasiswa UMP juga berkesempatan mengadakan perlawanan bola tampar persahabatan dengan pelajar GUET dalam usaha mengeratkan hubungan baik.



Dalam pada itu, peserta juga mengikuti 'International Conference on Beidou Training and Academic Exchange with ASEAN' yang dihadiri Rektor GUET, Professor Haiou Li, Pengarah Bahagian Teknologi Guilin, Professor Guisheng Liao, Dekan FKEE, Professor Ir. Dr. Kamarul Hawari Ghazali dan pensyarah GUET, Profesor Yuanfa Ji.

Menurut Prof. Ir. Dr. Kamarul Hawari, sesi latihan secara praktikal berkenaan Beidou Satellite ini sedikit sebanyak memberikan maklumat tentang tahap teknologi yang digunakan oleh China dalam kemajuan telekomunikasi mereka.

"Kunjungan ini memberi peluang mahasiswa UMP untuk menimba pengalaman dan membawa idea baharu untuk meningkatkan taraf teknologi sedia ada di Malaysia," katanya.



Sementara itu, pertemuan bersama Duta Malaysia di Guangzhou, Muzambli Markam berbesar hati menerima kunjungan UMP buat pertama kalinya. Selain itu, perbincangan bersama Timbalan Presiden Konsul Perdagangan, Perbadanan Pembangunan Perdagangan Luar Malaysia (MATRADE), Azhar Othman memberi ruang kepada kepada para peserta yang berminat untuk menceburi bidang perniagaan di China.

Bagi peserta, Thor Kait Wei, 24, berkata, program ini dapat menjalinkan kerjasama di peringkat antarabangsa melalui kepimpinan dan kebudayaan masyarakat di negara China dan sebagai platform kepada mahasiswa untuk melihat dan mempelajari sendiri budaya kepimpinan dan disiplin ilmu yang di amalkan di negara ini.

Tambahnya lagi, program ini juga mendedahkan kepada mahasiswa UMP supaya mempunyai sifat daya saing yang tinggi dan memberi pengalaman dan suasana pembelajaran di luar negara yang mungkin berbeza dengan sistem pembelajaran di Malaysia.



Disediakan oleh Junaidi Rahman dari Perwakilan Mahasiswa Kolej Kediaman 2 (PEKA 2) dan suntingan Bahagian Komunikasi Korporat

Posted By : NORHIDAYAH BINTI MOHAMAD Date Posted : 04-05-2017, 14:20:46